

ՀԱՅԿԱԿԱՆ ՍՍՀ ՊԵՏԱԿԱՆ ՄՐՅԱՆԱԿՆԵՐԻ ՇՆՈՐՀՈՒՄԸ

Հայաստանի կոմունիստական կուսակցության Կենտրոնական կոմիտեն և Հայկական ՍՍՀ Մինիստրների սովետը վերջերս 1970—1971 թթ. Հայկական ՍՍՀ պետական մրցանակները շնորհեցին գիտության ու տեխնիկայի բնագավառներում իրենց կատարած աշխատանքներով առավել աչիք ընկած մի խումբ աշխատողների:

Գիտության բնագավառում պետական մրցանակի է արժանացել ՀՍՍՀ գիտությունների ակադեմիայի ակադեմիկոս Ա. Ղարիբյանը՝ «Ռուս-հայերեն բառարանը» կազմելու համար: Այդ բառարանը, որ պրոֆ. Ղարիբյանի շուրջ 15-ամյա տնօրինման աշխատանքի արդյունքն է, արտահայտում է ռուս գրական լեզվի բառային կազմը: Այն կազմելիս հեղինակն օգտագործել է վերջին հիմնամյակի ռուս բառարանագրության նվաճումները: Նա ընտրել է նիշտ ու հատու օրինակներ բառերի բոլոր նշանակությունների համար, ըստ ուղում օրինակներն առնելով եւն ռուս գրական հեղինակային տեխնիկայից, այս հանգամանքով բառարանը գերեւ է պահում ինքնահամար օրինակներից, մի բան, որից չեն կարողացել խուսափել նախորդ շատ բառարանագիրներ:

Հարյուրամյա ավանդույթներ ունեցող հայ բառարանագրության պատմության մեջ պրոֆ. Ղարիբյանի բառարանը պատվավոր տեղ է զբաղում և, անշուշտ, նպաստելու է ռուս-հայերեն բառարանագրության զարգացմանը, երկար տարիներ սեղանի գիրք է լինելու բազմահազար այն ընթերցողների համար, ովքեր ռուսերենի միջոցով հաղորդակից են լինելու համաշխարհային գիտության ու մշակույթի գանձերին:

Գիտության բնագավառում պետական մրցանակի դափնեկիրներ են դարձել նաև Կենտրոնական գիտությունների քննաձու, ՀՍՍՀ գյուղատնտեսության մինիստրության խաղողագործության, գինեգործության և պտղաբուծության գիտահետազոտական ինստիտուտի պտղատուների սերեկցիայի և տեսակների ուսումնասիրման բաժնի վարիչ Ս. Ազուլյանը և գյուղատնտեսական գիտությունների քննաձու, նույն ինստիտուտի լեռնային պտղաբուծության բաժնի վարիչ Պ. Կարանյանը՝ «Պտղաբուծության գիտական հիմքերի մշակումը և դրանց արմատավորումը Հայկական ՍՍՀ լեռնային բարձրադիր գոտիներում» աշխատության համար:

Տեխնիկայի բնագավառում հանրապետության այդ բարձրագույն պարգևին արժանացել են ստեղծագործական երեք կոլեկտիվներ. Արգենու «Քյուրեղ» արդյունաբերական միավորման դիրեկտոր Ա. Հարությունյանի և Կիրովականի Ալ. Մյասնիկյանի անվան ֆիմիական կոմբինատի ֆիզիկա-հիմնական լաբորատորիայի վարիչ Վ. Սարգսյանի ղեկավարած կոլեկտիվի անդամները, մետաղահատ հաստոցների փորձնական գիտահետազոտական ինստիտուտի Անդրկովասի մասնաճյուղի դիրեկտոր, տեխնիկական գիտությունների քննաձու Ս. Կանդալյանի ղեկավարած գիտնականների ու ինժեներատեխնիկական աշխատողների խումբը և Ս. Մ. Կիրովի անվան ֆիմիական կոմբինատի նախկին դիրեկտոր, սոցիալիստական աշխատանքի հերոս Ս. Թումանյանի ղեկավարած ինժեներատեխնիկական աշխատողների կոլեկտիվը:

Հ. ՀԱՐՈՒԹՅՈՒՆՅԱՆ

ՀԱՅԱՍՏԱՆԻ ԳՐԱԴՆԵՐԻ ՄԻՈՒԹՅԱՆ ՎԱՐՉՈՒԹՅԱՆ III ՊԼԵՆՈՒՄԸ

Ս. ր. փետրվարի 29-ին երեսնի արվեստի աշխատողների տանը կայացավ Հայաստանի գրողների միության վարչության երրորդ պլենումը, որը լսեց և քննարկեց վարչության առաջին ֆարտուղար Էդ. Թոփչյանի զեկուցումը՝ «ՍՄԿ Կենտրոնական կոմիտեի որոշումը գրական-գեղարվեստական ֆենադատության մասին և մեր խնդիրները»: ՍՄԿ Կենտկոմի որոշումը,

ասում է զեկուցողը, նշեց, որ շնայած կատարված զգալի աշխատանքին, գրական-գեղարվեստական ֆենադատության ներկա վիճակը չի համապատասխանում կոմունիստական շինարարության պահանջներին: Սովետական գրականության ու արվեստի զարգացման, ազգային կուլտուրաների փոխմարտացման, մարզու գեղագիտական դաստիարակության մեծ տեղաշարժերը չեն զրտ-

նում իրենց խոր գնահատությունը: Նրբեմն, ցածրաժեմ գործերը գնահատելիս, դրսևորվում են սուրյեկտիվիզմի, հաշտվողականության, մըտերմականության, խմբակայնության հակումներ, որը միայն կասեցնում է առողջ տրամադրությունների արմատավորումը: Հրապարակվում են ելույթեր, որոնք նիշտ չեն գնահատում անցյալի արվեստի, պատմության, գրականության հարցերը: Անդրադառնալով հայ գրաֆենդատության որոշ նվաճումներին անցյալի ու ներկայի գրական երևույթների գնահատության ասպարեզում, զեկուցողը ՍՄԿԿ Կենտկոմի որոշման լույսի տակ վեր է հանում այն բերությունները, որ կան մեր գրական կյանքում: Նա մասնավորապես ասում է, որ որոշ ֆենդատների անպատասխանատվությամբ ու լիբերալ հանձնարարականներով են հրապարակ զալիս քույլ, ցածրաժեմ գործերը, որոնց ֆանակր փոքր չէ: Այդ բողոքությունը առկա է ինչպես սկսնակների առաջին զրբերի լույսընծայման, այնպես էլ ավագների հնացած ու անարժեք երկերի վերահրատարակման դեպքում: Գրափոխարեն բարձրաժեմ շատ զրբեր, ներկայացումներ, համերգային ծրագրեր ու ցուցահանդեսներ ֆենդատության տեսադաշտից դուրս են մնում:

Գրականագետ Ս. Սարինյանը խոսեց ֆենդատության մեքողի ու մեքողությունի, նրա ընդհանուր մակարդակի, հասարակական կոչման, պրոֆեսիոնալ ինֆնուրությունի մասին: Նա կոնկրետ օրինակներով ցույց տվեց, որ սովետահայ գրաֆենդատության առկա վիհակը զոհացուցիչ չէ:

«Սովետական գրականություն» ամսագրի զլխավոր խմբագիր Ստ. Կուրտիկյանը իր ելույթը նվիրեց գրական մքնությունի, գրող-ֆենդատ հարաբերության, տպագրվող ֆենդատական հողվածների մակարդակի, գրական նոր սերնդի դաստիարակության, ֆենդատության կոչման հարցերին:

Գրականագետ Հր. Թամրազյանը նշեց, որ մեր գրաֆենդատությանը պակասում են ինֆնուրություն բովանդակությունն ու ստեղծագործական լներգիան, այն կտրված է կյանքի կենդանի երակից: Նա կոնկրետ առաջարկներ արեց ՀՍՍՀ ԿԿ գրականության ինստիտուտի ու բուհերի գրականության ամբիոնների կողմից ֆենդատ կադրերի պատրաստման անհրաժեշտության մասին:

«Լիտերատուրնայա զագետայի» զլխավոր խմբագիր Ա. Չակովսկին անդրադարձավ սոցիալիստական ռեալիզմի, պատմական երևույթները մարֆստուրեն բացահայտելու և զնահատելու, զաղափարական պայքարը շրույացնելու հարցերին:

Պլենումում ելույթ ունեցան նաև ՀՍՍՀ Մինիստրների սովետի մամուլի կոմիտեի նախագահի տեղակալ Վ. Մկրտչյանը, «Գարուն» ամսագրի խմբագիր Վ. Պետրոսյանը, գրականագետ էդ. Ջրբաշյանը, «Գրական բերքի» խմբագիր Ս. Հարությունյանը:

Պլենումը լիովին հավանություն տվեց ՍՄԿԿ Կենտկոմի որոշմանը:

Ա. ՇԱՏՈՒՐՅԱՆ